

2 KORIN

Korin mbal tuku waŋe Paulusŋge arnu kuyarna

Paulus nu Korin mbal tuku waŋe arnu kuyarna te tugunu teŋenmba.

Nu Korin mbal tuku waŋe amboŋga kuyarna ta nane tuku mbar afu kile-tidiŋgam tuku kuyarna. Nu pasa waŋe saŋgrinu pilna tukunu nu piti ŋak minmba Titus kukulna le nane tugum kina. Nu kumba ka taŋge maŋ luka Paulus tugum promba nu wam kubeu tuna sulumba sakina: Nane ne tuku pasa dubimba naŋgine mbar kile-tidiŋginaig ŋga sana le Paulus nu gare-garekina.

Wam ande mata Korin mbal tugumŋge mayok kina ta Titus nu Paulus teŋenmba kila sana: Yabri mbal afu Korin mbal ŋgamukŋge ne tuku nyu ŋayo silide. Yerusalem gabat mbalŋge ne pirokam tuku waŋe ande kuyarmba tine ndakinaig tukunu ne aposel kuga ŋgade ŋga Paulus sana.

Paulus nu pasa ta ismba nane tuku yabri pasa kile-ibenŋkam tuku nuŋe maŋau tiŋreknu ta waŋe te mbolŋge kuyarna sulumba sakina: Tane Korin mbal Kristus tuku kuasmbi ŋakmba ye tuku piro mbolŋge mayokke likinaig tukunu ye siŋka Kristus tuku aposel minet ŋgina.

1 ¹Kuate tuku kuasmbi Korinŋge nu tuku mbal afu ŋakmba Akaia kilke mbolŋge mine likade tane ŋakmba kaiye. Ye Paulus Kuate nu nuŋe nzali dubimba ye Kristus Yesus tuku aposel mini ŋga nyu te-mayokna. Ye siŋgine tira Timoteus sile tane ndoŋ pasatam prowek.

²Siŋgine Mam Kuate, Suŋgo Yesus Kristus nale tane ake sinaŋ make patika ŋgamuŋgal wamdus bul sertinguwai. Son.

Piti mbolŋge dirnanga tiŋgam tuku pasa

³Siŋgine Suŋgo Yesus Kristus tuku Mam Kuate sine nu tuku nyu te-duŋgube. Nu sine suŋgomba mapesiŋgit. Nu mara mindek sine sinzaŋsiŋgit le wamdus piti bulkade. ⁴Nu sine piti mbolŋge mineg le sinzaŋsiŋmba wamdus bul sersiŋgit. Wam tamba nane afu piti mbolŋge minig ta sine mata nane sinzaŋniŋmba wamdus bul serniŋgam kumuŋ.

⁵Kristus nu piti sunjo kurana tanjamba ndo sine mata piti sugo kugrakeg ta Kuatenge Kristus sinzanja tanjamba ndo sine mata sinzansigit le wamdus bulkade. ⁶Ta tuku sine piti kugrakeg wam ta mbolnje sine tane turka wamdus bul sertingam tuku ndin kila pileg. Sine piti mbolnje Kuate nu wamdus bul sersigit ta tane sine tanaj piti kugrakade le Kuate nu wamdus bul sersigit tanjamba ndo sine tane turka wamdus bul sertingam kumu. ⁷Sine tane baringamngaig nga ngamungal piti ndasingit. Tane sine tanaj piti kugrakade tukunu wamdus bul serum tuku manau sine teg tanjamba ndo tade.

⁸Tira kame, sine Asia kilke mbolnje piti sugo kanjerkigen ta tane kila satingamngig. Sine piti sugo kanjerka wamdus mayenu pro kinaig le kumamngig nga idusgen. ⁹Wam ta mbolnje singine sanjri kumu kuga nga kamusmba Kuate tuku sanjri tomba tingigen. Nu kumanu mbal kile-tidingate tuku. ¹⁰Sine kume dirgen le nu sine turkina. Nu tanjamba man tursingamngat nga sine wamdus bulok mineg. ¹¹Tane mata sine tuku nga Kuate yabanap le nu tane gudommba tuku yaban pasa ismba sine tursinguwa le wam ta mbolnje nane gudommba nu tuku nyu te-dunjuwaig.

Paulus nu Korin kambim sakina ta nu pitik nane tugum kine ndakina

¹²Sine nane njakmba tugumnge manau purfeju yabri kugatok ke likeg nga wamdus bulok mineg. Sine tane Korin ngamuknje manau tanaj ke likeg. Sine kilke te tuku wamdus kilambi tanj ndaweg. Kuatenge ake sinaj sanjri sigit le sine tanaweg. ¹³Sine pasa kuyarke likeg ta tugunu kile-mayokka kuyarkeg le tane burka katese mayewam kumu. ¹⁴Kile tane sine tuku manau fudinmba ndo katesede ta ngumnenga tane katese mayewap le Sunjo Yesus tuku ait mbolnje sine tane tuku gare-garekube le tane mata sine tuku gare-garekamngaig.

¹⁵Ta tuku ye tane lato gare tingam tuku tane tugum kambim aram saken. ¹⁶Ye Masedonia kambim nga ka tane kanjerki sulumba ka Masedoniange man luka pro tane tugum prowam saken. Tanje ye aganj ndendembi sinzanjap le Yudea ma tugu mbol kambim tuku saken. ¹⁷Ye tanjamba tane tugum kambim saken ta pro ndawen. Tane ye fare fare wam mbilmbilmba saket nga idusde e? Tanjamba kuga. Ye wam ande kam idusmba saket ta ye kilke mbolok mbal tanaj mingembi ndo saka ngarosumbi dubi ndade tanaj kuga. ¹⁸Kuate nu son pasa ndo sakate tanjamba ndo ye tuku pasa te mata son pasa ndo. Ye tane tugum kambim saken ta mingembi ndo sa ndaken.

¹⁹Sine kej ye Silvanus Timoteus sine tane tugumnge Kuate tuku Kinjo Yesus Kristus tuku pasa kuklimba satingigen. Nu wam kam sakate ta mata mingembi ndo sa ndakate. Nu sakate tanjamba ndo kate. ²⁰Kuate nu sine wam magenu singam tuku pasa kusna ta alonu tanjamba Kristus

mbolŋge mayok kinig. Ta tuku sine nu mbolŋge Kuate tuku pasa ta siŋka son pasa ŋga Kuate tuku nyu te-dunŋgeg.

²¹ Kuate nu Kristus mbolŋge sine tane turmba sanŋri pilesiŋgit le nuŋe mbal minmba nu tuku pirokeg. ²² Nu sine nuŋe mbal ŋga nuŋe Guwa wasik taŋaŋ siŋgina le sine nu tuku mbal mineg ta kateseweg.

²³ Ye Kuate am mbolŋge satingamŋgit. Ye tane tugum pro ndawen ta teŋenmba. Ye tane satinge lika piti tiŋgikit ŋga tane mapekam tuku idusmba ye pro ndawen. ²⁴ Sine tane tuku ŋgamunŋal son kulatkag ŋga idus ndawap. Taŋgine miroŋ kulatkade le sanŋri tiŋgate. Sine tane ndoŋ ulendika pirokeg ta tane gare ŋak minap ŋga iduseg.

2 ¹ Ye buk tane tugum kumba satinge lika piti tiŋgen ta maŋ lato tane tugum kumba satinge likam mbulet. ² Ye kumba sigair-sigairtiŋmba piti tiŋgi ta ande nu ye gare sam tuku mine ndakate. Tane ndo ye gare sam tuku minig. ³⁻⁴ Ye tane tuku teŋenmba iduset. Tane ye ndoŋ wam ndui ta tuku ndo gare teg ŋga iduset. Ta tuku ye tane tugum kumba wam afu tuku piti tam idus ndawet. Ye tane tugum ka le gare ndo sap ŋga iduset. Ye tane kile-tidingam tuku waŋe kuyaren ta ye piti ŋgamunŋal rar sunŋo tumba malmbi ŋakmba kuyaren. Ye piti tiŋgam tuku taŋamba kuyar ndawen. Kuga. Ye tane tuku kume purmba minet ta kila palpe ŋga kuyaren.

Ande mbarna ta nu tuku mbar gilaingap

⁵ Tane tuku ande ye mbolŋge mbarna ta nu ye ndo piti ser ndayina. Tane ŋakmba piti sertingina ta piti ta sunŋo kuga. Ye pasa sanŋrinu sake nda. ⁶ Tane gudommaba nu lafunu tunaig ta kile maye. ⁷ Nu piti sunŋo tumba nu tuku sanŋri te-ibenŋbekaig. Kile tane nu tuku mbar gilaingap wamdus bul serap. ⁸ Tane nu tuku kume purmba minig ta te-mayokap le kila pilwa. ⁹ Nu te-tiwam tuku ye tane tuku kuyaren ta tane ye tuku pasa ŋakmba dubikade e ko kuga ta ye katesewam tuku kuyaren. ¹⁰ Tane ande tuku mbar gilaingade ta ye mata nu tuku mbar gilainget. Ye tanenu ŋga Kristus am mbolŋge mbar ta gilainget. ¹¹ Wam ta mbolŋge Satan nu sine kile-ibenŋkam kumuŋ kuga. Nu sine ŋaigo siglikam iduste ta sine ŋakmba kila.

Paulus nane Kuate tuku sanŋri mbolŋge pirokinaig

¹² Ye pasa mayenu Kristus tuku kukliwam Troas tumbraŋ mbol prowen ta Sunŋo nu buk ye pirokam tuku ndin wakeina. ¹³ Ye pirokam tuku ta yiŋe tira Titus nu Troas pro ndana tukunu ye piti ŋak minmba nane kusreka tiŋga nu sota Masedonia kilke mbol te prowen.

¹⁴ Sine Kuate tuku nyu te-dunŋgube. Nu Kristus mbolŋge sine sanŋri pilesiŋmba sanŋri ŋaigonu ŋakmba kile-ibenŋkam tuku ndin tumsingit. Afu Kristus kila palmbim tuku Kuate nu sine mbolŋge pirokate le nuŋe

pasa mayenu mundur mayenu taŋaŋ mayok ka ma ŋakmba kumuŋgate. ¹⁵Kristus nu sine sinamŋge minit tukunu Kuate am mbolŋge sine mundur mayenu taŋaŋ mineg. Mundur mayenu ta Kuateŋge muskil kile-tidiŋga minit mbal ŋgisikade mbal ta ŋakmba tugum kinit ta ¹⁶nane ŋgisinu mbal pasa ta nane bale faram tuku mundur taŋaŋ kamusde le nane muskil kile-tidiŋganu mbal abo niŋgam tuku mundur taŋaŋ kamusde. i ... Ima kate piro suŋgo ta kam kumuŋ. ¹⁷Kuateŋge nuŋe piro kam tuku madisiŋgina mbal sineŋ ndo kumuŋ. Sine Kristus ndoŋ ulendika Kuate am mbolŋge wamduŋ tugusekmbi nuŋe pasa kukliweg. Nane afu ndametiŋ kilam tuku ndo nu tuku pasa kuklide ta sine nane taŋaŋ kuga.

Paulus nane pasa kitek tuku piro mbal

3 ¹Sine tane pasa satingeg tambu siŋgine nyu payam ndakeg. Sine nane afu taŋaŋ tane sine tuku maŋau kila palmbim tuku waŋe afu kile ndakeg. Ko afuŋge sine tuku maŋau kila palmbim tuku waŋe afu siŋgap ŋga idus ndaweg. ²Sine tuku kuyar waŋe ta tane minig. Tane mbolŋge sine tuku piro kilimok mayok kinit. Waŋe ta sine tuku ŋgamuŋgal sinamŋge minit ta nane ŋakmba kila. ³Tane Kristus tuku waŋe ŋak minanu taŋaŋ mayok kinig. Sineŋge waŋe ta tiŋgiger. Kuate abo minmba minit nuŋe Guwaŋge Kristus tuku waŋe ta kuyarna. Andeŋge waimba kuyar ndana. Kuyar ta tukul pasa taŋaŋ ndame mbolŋge mine ndakate. Taŋgine ŋgamuŋgal sinamŋge minit.

⁴Sine Kristus mbolŋge saŋgri tiŋga taŋamba siŋgine piro tuku saka Kuate am mbolŋge wamduŋ bulok mineg. ⁵Sine siŋgine saŋgri tomba tiŋga piro ta kam kumuŋ ŋga sa ndakeg. Sine Kuate tuku saŋgri tomba tiŋga ndo piro ta kam kumuŋ ŋgeg. ⁶Nuŋge saŋgri siŋgit le nuŋe pasa kitek ta sine kumumbi te-mayokey. Pasa kitek ta tukul pasa ambokok taŋaŋ kuyar mbolŋge mine ndakate. Tukul Guwa mbolŋge minit. Tukul maŋau nu kume maŋau siŋgit ta Tukul Guwa nu abo mine maŋau siŋgit.

⁷Ndame tukul pasa ŋak tugu pilmba mayok kina ta kilŋa saŋgri ŋayo mayok kina le Israel mbal nane Moses tuku tumail kaŋgere fugunaig. Tukul pasa nu kume maŋau ndo siŋgit ta nu tuku kilŋa suŋgo ta ŋgumneŋga kugana. ⁸Pasa kitek Kuate tuku Guwa mbolŋge mayok kinit ta nu kilŋa ambokok ta limba saŋgri ŋayo mayok kinit. ⁹Pasa ambokok nu taŋgo kilmba pa mbolŋge patikate ta nu kilŋa saŋgri ŋak mayok kina. Pasa kitek nu taŋgo tiŋgreknu kile-mayokkate ta nu kilŋa ambokok ta limba saŋgri ŋayo mayok kinit. ¹⁰Maŋau ambokok tuku kilŋa maŋau kitek tuku kilŋaŋge nu lite le nda minanu sukte. ¹¹Pasa ambokok kugawam tuku ta nu kilŋa ŋak mayok kina. Pasa kitek minmba minam tuku ta nu siŋka kilŋa saŋgri ŋayo ŋak mayok kinit.

¹²⁻¹³Moses tuku tumail kilŋa ta kuga-kugamba minna ta nu Israel mbal kaŋger ndawaig ŋga tawimbi tumail soŋgina. Pasa kitek tuku kilŋa ta

tañamba kugawe nda. Wam ta idusmba sine kuru kuru kugatok miñge bulokmbi pasa kukliweg. ¹⁴Israel mbal o buk kile mata Kuate tuku pasa ambokok ta burka nane tuku wamdus tawimbi songanu tañaj tugunu katese maye ndade. Kristus mbolñge ndo wamdus purfewam kumuñ. ¹⁵Ait te mbolñge mata nane Moses tuku pasa burkade ta nangine wamdus songanu tañaj tugunu katese maye ndade. ¹⁶Ande nu ngamuñgal biye mbilmba Sunjo tugum kuwa ta Sunjorñge tawi ta talka wamdus nuñe purfeu serwa le nu Kuate tuku kilña sanjrinu ta kanjeramñgat.

¹⁷Sine Sunjo sakeg ta nu Tukul Guwa. Sunjo tuku Guwa nu ande sinamñge minit ta nu muskil te-tiwe tuwit le agañ ande nu ndale ndakate. ¹⁸Sine pasa kitek son ñgeg mbal tumail songanu tañaj mine ndakeg le Sunjo tuku kilña sine mbolñge kilimok mayok kinit. Sine Sunjo tuku kilña lato lato teg sulumba nu tuku mañau te-pureg. Siñgine Sunjo Tukul Guwa tugumñge kilña ta teg.

Kuate tuku kilña tañgo mbolñge kilimok mayok kinit

4 ¹Kuate nu sine mapeka piro te siñgina tukunu sine wamdus piti kamusmba piro kusrewam idus ndaweg. ²Kiko mañau ñaigonu kuirka kade ta sine pitaika ngumneniñgigen. Sine afu yabri ndaniñgeg. Sine Kuate tuku pasa mbil ndaweg. Sine pasa tugusek kilimok te-mayokmba Kuate am mbolñge piziknu mineg ta nane ñakmba kila.

³Pasa mayenu kukliweg ta tugunu kilimok. ñgisinu tuku ndin mbolñge minig mbal ndo nane tugunu katese ndade. ⁴Mbal ta nane Kristus tuku pasa son nda ñgade. Ta ndañam? Kilke te tuku gabat Satan nu nane tuku wamdus tukulñgit le nane pasa mayenu ismba wamdus purfe ndaniñgit. Nane Kristus nu kilña sanjri ñak Kuate tañaj minit ta nane nu katese ndade.

⁵Sine pasa kukliweg te siñgine mironj tuku kukli ndaweg. Yesus Kristus nu Sunjo ndindo minit ñga wam ta kukliweg. Sine nu tuku ñga tane tuku piro mbal tañaj mineg. ⁶Kuate nu tugu mbolñge bulu mayok ka ma make kilñawa ñgina ta nuñge siñgine ngamuñgal kilñate le sine Yesus Kristus kanjermba Kuate tuku kilña kila pileg.

Sine piti kanjerkeg ta Kuate nu sine kusre ndakate

⁷Agañ mayenu kilke waim sinamñge minig tañaj Kuate nu nuñe wam mayenu sine sinamñge pilit. Sine kilke waim tañaj sanjri kugatok mineg ta sine Kuateñge sanjri pilesiñgit le ⁸piti yimyamñge sine tidongade ta sine muskil te-tiwam kambim kumuñ. Sine wamdus te-suluweg ta sine wam pile pas ndakeg. ⁹Afu sine kasursiñgig ta Kuate nu sine kusre ndakate. Nane sine bale faram tuku pani farde ta sine kume ndakeg. ¹⁰Sine mara mindek Yesus kumna tañamba ndo sine kume direg ta sine kume ndakeg. Wam ta mbolñge tane Yesus abo ñak minit ta tane katese mayede.

¹¹Sine abo ŋak minmba Yesus tuku ŋga mara mindek kume direg le nu abo ŋak minit ta tane kila pilig. ¹²Sine mara mara kumam tuku ndin mbolŋge mineg ta tane abo minmba minam tuku ndin mbolŋge minig. ¹³Ande nu kuyar pasa mbolŋge teŋenmba kuyarna.

Ye Kuateŋge pasa sakina ta son ŋga nane ŋakmba saniŋgen ŋga kuyarna. *Mune ... 116.10*

Sine mata nu taŋaŋ Kuate tuku pasa son ŋga tane satinget. ¹⁴Kuate nu Sunŋo Yesus kumna le te-tina taŋamba ndo ŋgumneŋga sine nu ndoŋ kile-tidiŋguwa sulumba tane sine ndoŋ kilmba nu tugumŋge patikamŋgat ta sine kila. ¹⁵Sine tanenu ŋga piti ŋakmba te kugrakeg. Taŋaweg le Kuate nu ake sinaŋ taŋgo make patikate wam ta taŋgo gudommba lato iswaig sulumba Kuate gare pasa samba nu tuku nyu te-duŋgam tuku mbal tuge ŋayowaig.

¹⁶Sine wam ta idusmba piti sinamŋge wamdus kanyummba piro kusrewam idus ndaweg. Sine tuku ŋgarosu lato lato baklele ta sine tuku ŋgamuŋgal saŋgri tiŋga minig. ¹⁷Piti ait fagnu ndo kaŋgereg ta ŋgumneŋga alonu kilŋa sunŋo gare minmba minam tuku tamŋgig. Piti teg te gare maŋau tamŋgig taŋge liwa le nda minanu sukamŋgat. ¹⁸Sine agaŋ ammbi kaŋgerkeg ta sunŋomba idus ndaweg sulumba agaŋ ammbi kaŋger ndakeg ta sunŋomba iduseg. Agaŋ ammbi kaŋgerkeg te ait fagnu ndo minmba kugawamŋgaig. Agaŋ ammbi kaŋger ndakeg ta minmba minamŋgaig.

Ŋgarosu kitek tamŋgig

5 ¹Kilke te mbolok ŋgarosu te baibai taŋaŋ. Andeŋge sambriwa ta Kuate nu ŋgarosu kitek siŋgamŋgat ta sine kila. Ŋgarosu kitek ta wande taŋaŋ ta taŋoŋge wakei ndanaig. Nu samba mbolok agaŋ minmba minam tuku. ²Sine ŋgarosu te ŋak minmba samba mbolok ŋgarosu sine mbolŋge prowa ŋga mindesimba mineg. ³Sine samba mbolok ŋgarosu ta ŋak minmba kanu ŋgarosu kugatok mine nda.

⁴Sine baibai te sinamŋge minmba sinamanzer sunŋo ŋak mineg ta sine ŋgarosu te kusrewam idus ndaweg. Ŋgarosu kitek amboŋga sine mbol prowa sulumba ŋgarosu kumam tuku te abo minmba minam tuku maŋau sinam kuwa ŋga iduseg. ⁵Kuateŋge sine taŋamba ndo ŋgarosu kitek mayok kambim tuku wakeika patikina sulumba nuŋe Tukul Guwambi sine mbolŋge asi sirimba tucker tidiŋganu taŋaŋ kina.

⁶Sine wam ta idusmba mara mindek saŋgri tiŋgeg. Sine kilke te mbolok ŋgarosu sinamŋge mineg sulumba Sunŋo tugumŋge mine ndakeg ta sine kila. ⁷Sine ammbi nu kaŋger ndaweg ta siŋgine li ŋakmba mbolŋge nu tuku saŋgri tomba tiŋgeg. ⁸Sine saŋgri tiŋga ŋgarosu kusremba Sunŋo tugum kumba nu ndoŋ minam tuku mindesiweg. ⁹Sine kilke te mbolŋge minmba e ko nu tugum kaŋgig ta sine mara mindek nu tuku nzali ndo dubiwamŋgig. ¹⁰Ŋgumneŋga sine

ɲakmba Kristus am mbolŋge tiŋgube le nu sine pilesinguwa le sine ŋgarosu te ɲak minmba maŋau ke likeg ta lafunu kumumbi tamŋgig.

Sine Kristus mbolŋge Kuate ndoŋ gulabeg

¹¹ Sine ɲakmba Kuate tugumŋge tiŋgamŋgig wam ta idusmba sine Suŋgo tuku kurauka nane gudommba nu son ŋguwaig ŋga nane tuku wamdus didikam tuku pirokeg. Sine wamdus tiŋreknu ta tumba pirokeg ta Kuate nu kila. Tane mata taŋamba kila pilmba idusap ŋga satinŋet. ¹² Tane sine tuku nyu te-duŋgap ŋga pasa te sa ndatinŋet. Kuga. Nane afu wamdus ŋaigonu ɲak minmba taŋgo am mbolŋge mbal magenu taŋaŋ payamkade. Tane sine tuku maŋau kila palpe sulumba payamkade tuku mbal yabri pasa ta lafumba Paulus nane ŋgamuŋgal tugusek minig ŋga saninŋap.

¹³ Mbal ta sine ŋginŋan wamdus ɲak mineg ŋgade ta sine Kuate tuku piro sunŋokuwa ŋga taŋamba mayok kineg. Sine wamdus tugusek ɲak mineg ta sine tanenu ŋga taŋamba mayok kineg. ¹⁴ Kristus tuku kume pur maŋaunŋe sine tuku ŋgamuŋgal didikate le maŋau ɲakmba ke likeg. Singine wamdusmbi kuga. Taŋgo ndindo ta sine ɲakmba tuku ma tumba kumna le sine ɲakmba nu ndoŋ kumanu taŋaŋ kumgeŋ ta sine kila. ¹⁵ Nu sinenu ŋga kummba maŋ tiŋgina. Ta tuku kile sine siŋgine nzali dubi ndamba nu tuku nzali ndo dubiweg.

¹⁶ Kile sine nane afu kaŋgerka taŋgo tuku maŋaumbi pile ndaniŋgeg. Sine buk mbarmba maŋau tambi Kristus pilegeŋ ta kile afu mbolŋge taŋa ndaweg. ¹⁷ Ande nu Kristus ndoŋ sailkate ta nu kitek mayok kinit. Nuŋe maŋau ambokok ta kugana le maŋau kitek nu mbol prona.

¹⁸ Maŋau kitek ta Kuatenŋe te-mayokte. Sine nu tuku ŋgueu mbal mingeŋ le nu sine ndoŋ wamdus mukuk minam ŋga Kristus tuku kume mbolŋge sine ndoŋ tumana. Sine Kristus ndoŋ tumawam tuku ndin ta afu tumniŋgam tuku nu piro siŋgina. ¹⁹ Sine piro ta kumba pasa kukliweg ta teŋenmba. Kuate nu Kristus mbolŋge sine taŋgo tuku mbar saukam tuku ndin wakeina sulumba nu sine ndoŋ tumana. Nu wam ta mbolŋge sine taŋgo ndoŋ tumate ta afu saninŋam tuku piro ta sine wai mbolŋge pilna.

²⁰ Kuate nu taŋamba sine tuku miŋge mbolŋge taŋgo wikate tukunu sine Kristus tuku piro mbal minmba Kristus tuku nyu mbolŋge tane sarsartiŋmba satinŋeg: Kuate ndin wakeina ta ndo dubimba tane nu tuku gulab mayok kape ŋgeg.

²¹ Kristus nu mbar kugatok minna ta Kuate nu sine tuku mbar ɲakmba nu mbolŋge patikina le nu une taŋgo taŋaŋ mayok kina. Kile sine nu ndoŋ ulendikeg tukunu Kuate nu nuŋe maŋau tiŋreknu sine mbolŋge pilit le sine tiŋreknu mayok kineg.

Paulus nane piroka piti sugo kugrakinaig

6 ¹ Sine Kuate ndoŋ pirokeg tukunu sine tane saŋgrimba sarsartiŋgamŋgig. Kuate nu ake sinaŋ tane make patikate wam sunŋo ta ake agaŋ taŋaŋ kusre ndawap. ² Kuate nu teŋenmba sakate.

Ye tane make patiken tuku ait mboŋge tane tuku wi ismba kilen.

Taŋgo muskil kile-tidingen tuku ait mboŋge tane turtingen nga sakate.

Aisaia ... 49.8

Tane ise mayewap. Kile ait te nu wikap ta nu isamngat. Kile ait te mboŋge nu tane muskil kile-tidinge tingamngat.

³Sine Kuate ndoŋ pirokeg ta afuŋge sine talasiŋbekaig nga sine piro mayeweg. ⁴Nane sine Kuate tuku piro mbal tugusek nguwaig nga mine ŋakmba mboŋge sine kumumbi mayok kineg. Ŋgarosu piti sinamanzer maŋau ta mboŋge sine saŋgri tinga bike ndakeg. ⁵Afu sine kilmba ŋgussingig. Afu sine muliŋ kilmba wandekŋge patikade. Afu sine kile-ŋgamukka tumail pansingig. Sine piro karenjka mundu teg. Ait afu sine kinye ndaka gubak mineg. ⁶Sine piti ta ŋakmba sinamŋge saŋgri tinga maŋau purfeŋnu ndo ke likeg. Sine pasa tugusek ta kila minmba wamdus mukuk mineg sulumba nane ŋakmba mboŋge rangun mayeweg. Sine Tukul Guwa ŋak minmba sine wamdus tugusekmbi nane ŋakmba tuku kume pureg. ⁷Sine pasa tugusek ndo saka Kuate tuku saŋgri mboŋge pirokeg. Wam ta ŋakmba mboŋge sine nu tuku piro mbal tugusek mayok kineg. Sine maŋau tiŋreknu tambi wam ŋaigonu ŋakmba kile-ibeŋkeg.

⁸Nane afuŋge sine tuku nyu kile-dungade le afuŋge tumail pansingig. Afu sine waŋe pasa sasingig le afuŋge sine magenu ngade. Sine tugusek pasa ndo sakeg ta afuŋge sine yabri mbal nga pitaikade. ⁹Afu sine nyu kugatok nga talasiŋgig ta nane gudommmba sine tuku nyu saka minig. Ait gudommmba sine kume direg ta sine abo mineg. Sine ŋgarosu piti suŋgo teg ta sine kume ndakeg. ¹⁰Sine ŋgamuŋgal rar teg ta sine gare ŋak mineg. Sine sanzalnu mineg ta sine Kuate tuku wam magenu ta nane afu mboŋge keg le nane mine mayede. Sine agaŋ ndende kugatok mineg ta Kuate tuku wam magenu ŋakmba ta sine tuku minig.

¹¹O Korin mbal, sine siŋgine wamdus piti ŋakmba kile-mayokka kilimok satiŋgeg. Siŋgine ŋgamuŋgal ŋakmba tane tiŋge suluweg. ¹²Sine tane tuku riweg le tane sinenu nga ri ndade. ¹³Ta tuku tane ye tuku kiŋo kame taŋaŋ satiŋget. Sine tanembik riweg ta kile kumumbi lafuwap ŋget.

Sine Kristus son nda ngade mbal ndoŋ ulendi ndakube

¹⁴Tane Kristus son nda ngade mbal ndoŋ tuma minam kumuŋ kuga. Nane ndoŋ ulendi ndakap. Mbal tiŋreknu nane une mbal ndoŋ muŋgu gare ŋak minam fugude. Ma make nu bulu ndoŋ minam kumuŋ kuga. ¹⁵Kristus nu Satan ndoŋ wamdus ulendi mine ndakik. Kristus son ngade mbal nane maŋau kise ŋak. Son nda ngade mbal nane maŋau kise ŋak. ¹⁶Sine Kuate minmba minit nu tuku tukul wande mineg tukunu sine yabri mbara ta mata turmba mbariŋam kumuŋ kuga. Kuate nu teŋenmba sakina.

Ye nane tuku ŋgamuŋgal sinamŋge minmba nane ndoŋ likamngit.

Ye nane tuku Mbara mini le nane ye tuku gageu minamngaiŋ ngina.

Wok ... Pris ... 26.11-12; ... Esekiel ... 37.27

¹⁷Sungo nu tenenmba mata sakina.

Tane wam n̄aigonu kade mbal kusreka yamokn̄ge minap.

Mañau kutur n̄ak kade ta ngumneningap.

Tañawap le ye gare n̄ak tane kilamngit. *Aisaia ... 52.11*

¹⁸Ye tane tuku Mam mini le tane ye tuku kiño kame kulim kame minamngaiḡ ngina.

2 ... Samuel ... 7.14; ... Aisaia ... 43.6; ... Yeremia ... 31.9

Sungo Saḡri N̄ayo nunḡe tañamba sakate.

7 ¹O tira kame, Sungo nu sinenu n̄ga miḡge pasa saḡgrinu kusna ta idusmba n̄garosu n̄gamuḡgalmbi kutur ke likeḡ ta n̄akmba pitaika Kuate tuku kurauka mañau tiḡreknu purfeḡnu sine mboln̄ge kumuḡguwa n̄ga wamduḡ saḡgrinu palpe.

Mbar te-tinaig le Paulus nu garena

²Tane maḡ sinembik riwap. Sine tane tuku ande mboln̄ge wam n̄ayo ndageḡ. Tane afu kilmba n̄aigo sigli ndakigeḡ. Sine tane tuku ande yabrimba nu tuku agaḡ afu kile ndakigeḡ. ³Ye pasa saḡgrimba satinḡit ta ye tane satinḡe likam tuku sa ndatinḡit. Kuga. Ye buk tane satinḡit. Sine tane tuku n̄gamuḡgal sunḡo n̄ak mineḡ. Sine kummba e ko abo minbe ta sine tane ndoḡ minam iduseḡ. ⁴Ye tane tuku wamduḡ tero ndaka gare n̄ak payamket. Ye tane idustin̄mba wamduḡ bulkate. Ye piti n̄akmba sinamnḡe tane idustin̄mba gare tet.

⁵Sine Masedonia kilke mbol te proḡeḡ ta sine mabtam kumuḡ kuga. Piti sunḡomba mara mindek sine kile-kogorkinaig. Kame afu sine mbol pronaig. Kuru kuru mañau mata n̄gamuḡgal sinamnḡe kamusgeḡ. ⁶Tañamba mingeḡ le Titus nu sine tugum prona le sine nu kaḡgermba wamduḡ bulkinaig. Kuate nu piti n̄ak mbal wamduḡ bul serninḡit ta nunḡe ndin ta wakeina. ⁷Nu prona ta tuku ndo wamduḡ bul ndakinaig. Nu pro tane tuku mañau kaḡgermba wamduḡ bulok tina ta kubeu siḡgina le ismba sine mata wamduḡ bulkinaig. Tane ye sunḡomba idusyumba taḡgine mbar tuku kiko kamusmba malmbikade. Tane ye tuku pasa dubiwam tuku sunḡomba idusde. Ye wam ta n̄akmba ismba tane tuku gare toren.

⁸⁻⁹Ye buk waḡe ande kuyarmba tane kilmba satinḡe liken le tane n̄gamuḡgal piti tinaig ta ye mata tanenu n̄ga piti kamusen. Tane ait fagnu piti n̄ak minnaig sulumba wamduḡ biye mbilmba mañau n̄aigonu kusrekinaig ta kile ye gare n̄ak minet. Tane n̄gamuḡgal piti n̄ak minnaig ta tuku ye gare te ndaket. Tane piti sinamnḡe mbilka mañau n̄aigonu kusrekinaig ta tuku ye gare tet. Sine tane kilmba satinḡe likigeḡ le tane wamduḡ tatrunkinaig ta tane maḡ Kuate idusnaig. Ta mboln̄ge sine tane n̄aigo sigli ndaka turtingigeḡ.

¹⁰Kuatenge ande mbar mañau tuku piti tuwit le nu katesemba n̄gamuḡgal biye mbilte ta Kuatenge nu tuku muskil te-tiwe tuwit. Ande

nu kilke te tuku piti kamusmba Kuate idus ndawa ta Kuate nu tanjo ta tuku muskil te-tiwe nda. Nu ngisikamngat. ¹¹Ata. Tane wamdus piti njak minmba Kuate man idusnaig sulumba sanjri tinja mbar ta te-tinaig. Tane mbar ta tuku gubra tumba wamdus fulilka minnaig. Tane ye tuku wamdus sunjo tumba ye tuku pasa dubiwam tuku wamdus sanjrinu pilmba tanjo mbarna ta lafunu tunaig. Wam njakmba kumumbi kinaig le kile pasa ande tane mbolnje mine ndakate.

¹²Ye tane tuku waje kuyaren ta ande mbarna le ande piti tina ta tuku ndo kuyar ndawen. Tane sine tuku kume purmba minig ta Kuate am mbolnje wamdus pulutinguwa nga kuyaren. ¹³Tane wamdus pulutingina le kile sine tane tuku mbar tuku piti kusrekigenj.

Titus nu mata tane tuku gag njak ta nu tane tuku manau kanjerka piti kusremba gare tina le sine nu ndon man lato gare tigenj. ¹⁴Ye buk tane tuku manau tuku payamka Titus sawen. Nu kumba tanjamba kanjerna tukunu ye kiko kugatok. Sine son pasa ndo satinjigenj tananj sine tane tuku payamka Titus sagenj ta alonu kumumbi mayok kinit. ¹⁵Nu tane tugum prona le tanjine mbar tuku wamdus fulilka nu kurauka tumba nu tuku minje dubi mayenaig. Nu tane tuku wam ta idusmba tane tuku lato lato kume purte. ¹⁶Kile ye tane tuku wamdus tero ndaka gare njak minet.

Kuate tuku mbal afu turkap

8 ¹Tira kame, Kristus tuku kuasmbi afu Masedonia kilke mbolnje mine likade te Kuate nu ake sina nane make patikate le manau kade ta kila satinjamngit. ²Afunje piti sugo nijmba nane tuku ngamungal son tagoninginaig ta nane gare njak minmba piti ta sinamnge aganj ndende denkanu ta tanajig nga sunjomba waknyumba ndametinj patika afu turkinaig. ³Nanjine ndametinj kanjerka paplamba kumumbi patikinaig sulumba nanjine wamdus tamba man lato patikinaig ta yije ammbi manau ta kanjeren. ⁴Nane sanjri tinja sine sasinjinaig: Kuate tuku mbal Yudea ma tugu mbolnje sine nane sinja turkam iduseg nga sasinjinaig. ⁵Sine nane ndametinj ndo patikamngigaig nga idusgenj ta nane wam ta limba nanjine ngarosumbi Sunjo tuku nzali ndo dubiwam tuku pasa sanjri pilenaig. Ta ndo kuga. Nane Kuate tuku nzali dubimba sine tuku pasa njakmba dubikam sakinaig.

⁶Tanjaig le sine Titus nu man tane tugum kuwa nga sagenj. Nu buk tane tugumnge afu turkam tuku ndametinj patikap nga tumtingina ta nu piro ta ke suluwa nga kukuleg. ⁷Tane ngamungal son sanjrinu njak ta sine kila. Tane Kuate tuku pasa kukli mayede. Tane kila sunjo njak minig. Nu tuku piro kam tuku wamdus sanjrinu pilig. Sine tuku mata kume pur mayede. Ta tuku tane afu turka ndametinj ningam tuku manau ta mata ke mayewap nga iduseg.

⁸Ye tanjamba kap nga sa ndatinget. Ye tane tagotijmba tane kume pur manau tugusek njak e ko kuga ta katesewam saka tira afu ndametinj ningig wam ta kila

satinget. ⁹Siŋgine Suŋgo Yesus Kristus nu ake sinarj tane make patikina wam ta tane kila. Nu agarj ndende ŋakmba tuku miro ta nu tanenu ŋga sanzalnu mayok kina le tane nuŋe wam ŋakmba kilmba sanzalnu mine ndakade. ¹⁰Ta tuku ye tane teŋenmba kap ŋga iduset. Tane buk yar ande si mbolŋge ndametiŋ patinu tuku wamdus suŋgo tumba tugu pilnaig ta tane kile suluwap ŋga iduset. ¹¹Tane buk wam ta kam tuku nzalitiŋgina taŋamba kile taŋgine ndametiŋ kilig ta kaŋgerka kumumbi patikap. ¹²Tane ndametiŋ fudiŋndo e ko suŋgokanu ŋak minig ta kumumba gare ŋak Kuate tape ta nu nzalite.

¹³Tane nane afu ndametiŋ niŋmba tane denkanu minap ŋga idusmba sa ndatiŋget. ¹⁴Kuga. Tane nane ndoŋ kumu kumu minap ŋga iduset. Kile tane agarj ndende gudommba ŋak minig mbal afu denkanu minig ta turkap. Ŋgumneŋga tane denkap le nane suk lafumba tane turkamŋgaig. ¹⁵Kuyar pasa ande teŋenmba sakate.

Afu mana suŋgomba kilnaig ta nane kumumbi kilanu idusnaig. Afu fudiŋmba kilnaig ta nane den ndakinaig ŋgate. *Kisim ... Bek ... 16.18*

Piro taŋgo afu Korin prowamŋgaig

¹⁶Kuate nu Titus wamdus tuna le nu sine suk tane turkam tuku suŋgomba iduste. Ta tuku ye Kuate gare pasa tuwet. ¹⁷Sine nu tane tugum kambim tuku sa ndageŋ le nu nuŋe nzali dubimba tane tugum prowam iduste. ¹⁸Sine tira ande Titus ndoŋ kukulbe le kaŋgat. Taŋgo ta nu Kristus tuku pasa kukli mayete le Kuate tuku kuasmbi ŋakmba nu tuku saka minig. ¹⁹Tira ta Kuate tuku mbalŋge madinaig le nu sine ndoŋ lika afu turkam tuku ndametiŋ patikade ta kulatkate. Sine wamdus saŋgrinu pilmba piro kumumbi keg ta nu nane ŋakmba kila saniŋguwa le Suŋgo tuku nyu te-duŋguwaig ŋga nu madinaig.

²⁰⁻²¹Taŋamba idusmba afu sine talasiŋmba ndametiŋ suŋgo ta kulat maye ndade ŋgubekaig ŋga sine nu tumba likeg. Sine Suŋgo am mbolŋge piro mayemba taŋgo am mbolŋge mata piro mayebe le kilimok mayok kuwa ŋga iduseg.

²²Tira ande mata nu nale ndoŋ kuwa ŋga kukulbe le tane tugum prowamŋgaig. Nu tagomba piro yimyam tugeŋ ta nu wamdus saŋgrinu pilmba piro ke mayena. Tane siŋka waknyumba afu turkam tuku minig ta nu kila pilmba kile tane tugumŋge pirokam tuku suŋgomba iduste.

²³Ye tane nane keŋ ta tuku kila satingamŋgit. Titus nu ye ndoŋ tane turkam tuku pirokek. Nale ar nu ndoŋ ilik ta Kristus tuku nyu tane ŋgamukŋge suŋgokuwa ŋga Kuate tuku kuasmbi nale tane tugum kambim tuku madinikinaig. ²⁴Tane nane keŋ ta kilmba taŋgine kume pur maŋau te-mayokmba kilap. Taŋawap le sine Kuate tuku kuasmbi ŋakmba tugumŋge tane tuku payamka saniŋgeg ta alonu kilimok kaŋgerwaig.

Ndametiŋmbi Kuate tuku mbal turkap

9 ¹Ndametiŋ patika Kuate tuku mbal turkam tuku wam ta tane kila. Ye ta tuku maŋ suŋgomba satinge nda. ²Tane mata ndametiŋ patinu

tuku wamdusde ta ye kila. Ye Masedonia mbal tugumŋge tane Akaia mbal tuku payamka nane buk yar ande si mbolŋge ndametinj patikam tuku piro tugu pilnaig ŋga saninget le ismba kile nane tuku sunḡomba mata ndametinj patinu tuku wamdus sanḡrinu pilig. ³Sine tane tuku payamkeg ta alo kugatok ŋgubekaig ŋga ye tira keŋ ta kukulniŋgi le tane tugum ta promba tane turkuwaig le ndametinj ta maŋgurka patikap. Ye pro tane tuku payamket taŋamba ndametinj ta ake kile ndo ki. ⁴Tane ndametinj ta sinḡa patikamŋgaig ŋga sine afu saningigen. Tane pati ndaka minap le Masedonia mbal afu ye ndoŋ kumba kaŋgerwaig ta sine kiko siŋgikat. Tane mata kiko tiŋgikat. ⁵Wam ta idusmba ye tira keŋ ta amboŋga tane tugum ta kuwaig le tane ndametinj patikam tuku o buk sakinaig taŋamba ndo patike sulumba ye ndo tairŋgap. Taŋawap ta tane taŋgine nzalimbi ndo patikamŋgaig. Ye tane kilap kilap ki le ndagari ŋak patike nda.

⁶Tane nyamagaŋ kilanu maŋau ta idusap. Ande nu nyamagaŋ tumunu ndui ndui ŋgukate ta nu alonu ndui ndui ndo kilit. Ande nu tumunu sunḡomba ŋgukate ta nu alonu sunḡomba kilit. ⁷Tane ŋakmba yimyam taŋgine wamdus pileŋga ndametinj giganmba patikam idusde ta kumumba patikap. Tane andeŋge kilap kilap kuwa le tane ndagari ŋak pati ndakap. Tane gare ŋak taŋgine ndametinj patikade ta Kuate nu nzalite.

⁸Kuate nu tane mbolŋge waknyumba agaŋ magenu lato lato tiŋguwa le tane nane afu turkam tuku agaŋ denkanu ŋak mine nda. ⁹Kuyar pasa ande teŋenmba sakate.

Nu nuŋe agaŋ ndende waknyumba walmba sanzal mbal niŋgit. Nu tuku raŋgun mayenu ta kugawe nda. Minmba minamŋgat ŋgate.

Mune ... 112.9

¹⁰Sine nyamagaŋ tumunu ŋgukeg ta Kuate tugumŋge kileg. Agaŋ nyeg ta mata nu tugumŋge kileg. Taŋamba ndo tane nane afu mbolŋge waknyam tuku Kuate nu agaŋ ndende kumumbi tiŋgamŋgat. Taŋawa le tane nane afu mbolŋge waknyumba minap le nu tane tuku maŋau mayenu ta te-sunḡowamŋgat. ¹¹Kuate nu mara mindek tane agaŋ kumumbi tiŋgit le tane den ndaka afu turkam kumuŋ. Taŋamba tane ndametinj patikap le sine kilmba tambi sanzal mbal turkuba le nane gudommmba Kuate tuku nyu te-duŋgamŋgaig.

¹²Tane ndametinj niŋgig tambi Kuate tuku mbal turkade. Wam ta ndo kuga. Tane taŋade le nane afu Kuate tuku nyu te-duŋga nu gare pasa tuwig. ¹³Tane tira tuku ndametinj patikap le afu wam ta kaŋgermba tane Kristus tuku pasa mayenu dubiwanu ŋgade ta son ŋga Kuate tuku nyu te-duŋgamŋgaig. Tane Kuate tuku mbal nane afu turmba nane mbolŋge waknyade ta tuku mata Kuate tuku nyu te-duŋgamŋgaig. ¹⁴Ta ndo kuga. Kuate nu tane ake sinaŋ make patikate wam te-mayokmba nane

tañamba turkap le nane tane tuku kume purmba tane tuku nga Kuate yabañamñgaig.

¹⁵Sine Kuate tuku nyu te-duñgube. Nu agañ sungo ande o mbolok agañ ndende ñakmba liniñgit ta sine siñgina.

Paulus nu nane tuku wamdus mbar te-tina

10 ¹Tane afu teñenmba sakade. Paulus nu sine tugumñge sine gagnu pasa bafumbi sakate ta nu maskenñge pasa sañgrinu kuyarmba sasiñgit nga sakade. Ariya. Ye kile Kristus tuku wamdus bafuk ñgan mañau ta dubimba pasa bafumbi sarsartiñgamñgit. ²Tane wamdus biye mbilap le ye tane tugum promba pasa sañgrinumbi satiñgam idus ndawet. Nane afu Paulus nane kilke te mbolok mañau ndo dubimba nañgine wamdusmbi pasa kukliwanu nga sakade mbal ta ndo ye siñka pasa sañgrinumbi saniñgamñgit.

³Sine tañgo ndo mineg ta sine siñgine tañgo tuku kame agañmbi kame bu ndaweg. ⁴Kuga. Sine Kuate tuku kame agañ tamba Satan tuku sañgri te-ibeñmba afu tuku yabri wamdus ta ñakmba pitaikeg. ⁵Afu nañgine wamdus ta payamka Kuate kila palmbim tuku ndin tukulde ta sine wamdus ta kuerka pitaiweg. Nane ñakmba Kristus kumnemñge minwaig nga sine nane tuku wamdus kile-tidiñgeg. ⁶Tane mata mbilka Kristus kumnemñge minap. Tañawap le afu tañamba mine ndakuwaig ta sine nane lafunu kumumbi niñgamñgig.

⁷Tane wamdus te-mayewap. Ande nu nuñe nyu te-duñga ye siñka Kristus tuku tañgo minet ñgate ta nu sine mata Kristus tuku mbal mineg nga iduswa. ⁸Sungo nu sine tane ñgamuñgal son sañgri piletiñbe nga nyu siñgina le tane kulatkeg. Sine tane ñaigo siglikam tuku nyu siñge ndakina. Ye nyu ta tuku payamket le tane talayade ta ye kiko te nda. ⁹Ye tane tuku wañe kuyarke liket ta tane kuru kuru piletiñgam tuku kuyarket nga idus ndawap. ¹⁰Afu nane teñenmba sakade. Paulus nu wañe kuyarka tañgo sañgri ñak tañañ pasa sañgrinu kuyarte ta sine tugumñge nu sañgri kugatok. Nu pasa sakate ta ismba talawam tuku ndo nga sakade. ¹¹Tañakade mbal tane ye tuku pasa te ise mayewap. Sine wañe kuyarka pasa sañgrinu sakeg te tane tugumñge tañamba ndo ke likamñgig.

¹²Mbal afu tane tugumñge nañgine nyu kile-duñgade. Yoi. Sine nyu tañañ ñak mine ndakeg. Mbal ta ñginñgan mbal. Nane nañgine nañgine muñgu kañgerka sine magenu nga payamkade. Mañau tiñreknumbi nañgine mañau pile ndañgade.

¹³Sine payamkeg mañau ta kise. Kuate nu pirokam tuku nyu siñgina piro ta ndo sine payamkeg. Sine tane Korin mbal tugumñge mata pirokam tuku nyu siñgina. ¹⁴Ta tuku sine tane tuku payamkeg ta mbar ndaweg. Sine nga Kristus tuku pasa mayenu tumtiñgigen. ¹⁵Sine tane pasa dubide wam ta tuku sine siñgine piro tuku payamkam kumuñ. Sine nane afu

tuku piro singine ngaro mbolnge pile ndakeg. Kile tane tuku ngamungal son ta sungoka mbal kise mbol kuwa le ye nane tugum kambim tuku ndin mayok kuwa nga iduset. ¹⁶Tanjawa le sine tane kusreka kilke afu tane ngumnemnge minig ta mbol kumba nane mata pasa mayenu saningamngig. Tanjamba sine nane afu tuku piro singine ngaro mbolnge pile ndaka singine piro ndo payamkam kumuņ. ¹⁷Kuyar pasa ande tenenmba sakate.

Tango ima nu payamkam idusmba kande nu Sungo wam ke likate ta idusniņmba payamkuwa ngate. *Yeremia ... 9.24*

¹⁸Ande nu nuņe mironņ ye mayenu ngate ta nuņe pasa ta alo kugatok. Sungoņge nu mayenu ngate wam ta alo ŋak.

Paulus nu yabri aposel tuku maņau te-mayokna

11 ¹O tira kame, tane ye tuku pasa te isap. Tane pasa te ŋinņgan pasa idusmba ndeta tajaig. Pasa te isam tuku wamdus tukul ndawap. ²Kuate nu tane tuku kume purmba minit ta ye mata tane tuku sungomba kume puret. Pino mbanzo ande mam nuņeņge tango ande tam tuku madite le nu tango ta tuku ndo minit tajaņ tane Kristus tuku mbal ndo minap nga maditingen.

³Ye tane tuku wamdus piti ŋak minet. Mbeņ nu nuņe wamdus yabri paknu tambi Eva yabrina tanjamba tango afunģe tane yabritiņmba didikuwaig le tanģine wamdus Kristus mbolnge minig ta kusrebekaig nga iduset. ⁴Sine tane Yesus tuku nyu tumtingigenņ ta afunģe pro ande tuku nyu satinģig le tane wamdus bulokmbi nyu kise ta tade. Tane Tukul Guwa tinaig ta nane guwa kise satinģig le tane tade. Ko pasa mayenu isnaig ta nane pasa kise kuklide le tane pasa ta mata wamdus bulokmbi tade.

⁵Tane mbal ta nane aposel magenu o mbolnge ngade ta nane ye li ndayade ŋget. ⁶Ye pasa kukli mayewam tuku kila kugatok ta pasa kukliwet ta tugunu ŋakmba ye kila. Ait sungomba sine tane singine kila ta tumtingeg.

⁷Ye Kuate tuku pasa mayenu tane satinģen ta ye tane tugumņge piya kilam mbulmba yiņe nyu te-ibenmba tane mine mayenu mbolnge minam tuku kile-duņgen ta ye mbaren nga idusde e? ⁸Ye Kristus tuku mbal afunģe ndametiņ sinaig le kuayaranu sukmba kilmba tane tugumņge piroken. ⁹Ye tane ndoņ minmba agaņ afu tuku denkinaig ta ye tane yabaņ ndatingen. Tira afu Masedoniange pro ye agaņ denkanu minen ta nanenģe sinaig. Ye tane piti sertinģikit nga agaņ afu tane tugumņge kile ndaken. Kile mata tanjamba idusmba minet. ¹⁰Kristus tuku pasa tugusek ye sinamņge minit ta son pasa ndo satinģamngit. Ye tane tugumņge piya kile ndaken ta payamka saka mini le Akaia mbal ŋakmba isamņgaig. Ande ye peuyam kumuņ kuga. ¹¹Ye tane tuku kume pur ndamba nyu kile-ibenkam tuku idusmba tanjawet nga idus ndawap. Kuga. Ye tane tuku sungomba kume puret ta Kuate nu kila.

¹²Afu nangine miron payamka sine Paulus nane tañaj pirokeg ngade ta peuningam tuku ndo ye piya kugatok piroken. ¹³Mbal ta nane Kuatenge kukul ndaningina. Kristus tuku aposel minanu sukmba nangine piro tambi tane yabritingig. ¹⁴Sine nane tuku wam ta tuku pirerek pur ndakube. Nangine gabat Satan nu tañgo yabrinimba Kuate tuku eñel mayenu tañaj mayok kinit. ¹⁵Sine wam ta idusmba Satan tuku piro mbal nane mañau tiñreknu kade mbal tañaj minanu sukde ta tuku piriri ndaweg. Kuate nu ngumneñga nane tuku mañau ta kumumbi lafumba pa ningamngat.

Paulus nu piro mbolñge piti kugrakina

¹⁶Ye mañ tane satingamngit. Tane ye nginngan tañgo nga idus ndawap. Ko ye nginngan tañgo ngumba kande wamdus tukul ndamba ye mapeyap le ye yabri mbal tañaj fudinmba yiñe piro tuku payamki. ¹⁷Sunğonge payamkam tuku tum ndayate. Yiñe miron nginngan mbal tañaj payamket. ¹⁸Nane gudommba tañamba piro payamkade tukunu ye mata payamkam iduset.

¹⁹Tane ndo kila sugo ñak minig sulumba nginngan mbal wamdus bulokmbi kilig inde. ²⁰Tane nane tuku piro mbal minap nga idusde le nane tane tuku agañ ndende kilam saka yabritimba nane sugo tañaj tane maim-maimtimba ko dabil pantingig ta tane ndek wamdus bulokmbi nane kilmba kulatkade. ²¹Tane mbal tañaj kañgerka sañgri ñak ngade. Sine tane ndoñ minmba nane sañgri ñak minig tañamba mine ndakigeñ. Tane sine sañgri kugatok ngade ta kumumbi sakade.

Yabri aposel nangine mañau tuku payamkade. Ta tuku ye mata ngin ngan mañau tambi payamkam kumuñ. ²²Nane sine Hibru ndare ngade ta ye mata Hibru ndare. Nane sine Israel ndare mineg ngade ta ye mata Israel ndare. Sine Abraham tuku mbuñ ngade ta ye mata nu tuku mbuñ minet. ²³Nane sine Kristus tuku piro mbal ngade ta ye Kristus tuku piro mbolñge nane linañget. Nane pirokade ta ye nane linañmba piro kareñket. Ye nane linañmba ait sunğomba muli wande mbol kan. Ait gudommba ye ngusyinaig. Wam afu mbolñge ye kume diren. ²⁴Zu mbal nane ait 5 tañamba ye tumba ngusyinaig. Ngusyinaig ta ka 39 mbolñge tiñge likinaig. ²⁵Ait keñmba nane afu ye tumba mbapanimbi katyinaig. Ait ande ye baleyam bafumba ndamembi katyinaig. Ye wañ keñmba mbolñge liken le wañ fetkinaig. Ye ait ande yu mbol faitka minen le furirmba ka mafena. ²⁶Ye piroka kine promba minet le ait afu kulenñge te-diryade. Kuayar mbalñge ndinñge ye baleye ndafloyade. Yiñe mbal kasomok mbal mata ye baleyam tuku ndin sotade. Tumbranñge duñenñge yu mbolñge ye ngisike diret. Yabri gulab afu mata ye baleyam tuku ndin sotade. ²⁷Ye piro kareñka ngaro rar minet. Furir afu kinye ndaket. Ait sunğomba guba kule para sungo ñak minet. Mara afu ye nyamagañ tawi kinyam tuku

wande mata denkate. ²⁸Ye ngarosu tuku piti ndo kugra ndaket. Kuga. Kristus tuku kuasmbi sangri njak minam tuku ye mara mara wamodus piti njak minet. ²⁹Tira ande nu sangri kugatok ta ye mata piti tet. Ande nu andenge yabrite le ndekate ta ye gubra tet.

³⁰Ye payamkam iduset ta ye wam kame ndaj mbolnge ye sangri kugatok mayok kinet wam ta ndo payamket. ³¹Singine Sunjo Yesus Kristus tuku Mam Kuate ye siŋka pasa saket te nu kila minit. Sine nu tuku nyu sunjo ta te-dunja minmba minbe.

³²Ye Damaskus tumbraŋge minen le mandor Aretas nu nuŋe kame gabat sana le nu kame mbal kukulniŋgina le ye biye tiyam tuku tumbraŋ sunjo tuku fonde malaŋga kulatka minnaig kande ³³yiŋe gulab kame ye sambekŋge minyoken le fonde tuku bubre malaŋga mbolnge te-mayokyumba muli biye-biyenaig le mayok ka kame gabat ta laipmba kua kan.

Kuate nu Paulus wam sugo tumna

12 ¹Payamkam tuku maŋau ye turyam kumuŋ kuga ta ye payamkamngit. Sunjo nu tumyina le ye kiŋatanu suk agaŋ kaŋgerken wam ta payamka satiŋgi le isap. ²Kristus tuku taŋgo ande buk yar 14 kuganaig le Kuatenge nu tumba te-dunja samba mbol ambe kina. Ambenge maŋ lato te-dunjina le o mbol ambe kina. Nu ngarosu njak kina e ko nuŋe kanu ndo kina e ta ye gilai. Kuatenge ndo kila.

³⁻⁴Taŋgo ta nu samba mbol ambenge wam sugokanu afu isna. Isna ta Kuate nu miŋge pipna le kilke te mbolnge afu ndoŋ sakam kumuŋ kuga. Nu taŋamba samba mbol kina ta ndo ye kila. Nuŋe ngarosu njak kina e ko nuŋe kanu ndo kina e ta ye gilai. Kuatenge ndo kila. ⁵Ye taŋgo ta tuku kila idusmba nu tuku payamket. Ye yiŋe mironj tuku payam ndaket. Ye wam kame ndaj mbolnge sangri kugatok mayok kinet ta ndo ye payamket.

⁶Ye yiŋe mironj taŋamba samba mbol kan nga payamki ta ye ngin ngan taŋgo mayok nda kinet. Ye siŋka saket ta ye wam ta mbolnge yiŋe nyu te-dunjam idus ndawet. Kuga. Taŋgo nane ye pasa sake lika wam njakmba ke liket ta mbolnge ye tuku nyu kumumbi iduswaig nget.

⁷Kuate nu wam sugo tumyina ta mbolnge ye payamka yiŋe nyu te-dunjkikit nga Satan tuku kukul taŋgo pro ye waimbi katyanu taŋaŋ ngaro rar sunjo ye mbol prona. Rar ta ye mbolnge promba minit le kamusmba yiŋe nyu te-dunjam idus ndawet. ⁸Sunjo nu piti ta pitaiwa nga ye sangri tiŋga yabaŋam keŋen ta nu ye wo ndayina. ⁹Nu teŋenmba sayina. Ye ne make pilmba sangri tini le rar ta kurawam kumuŋ. Ne piti ta njak minmba sangri kugatok mina le ye tuku sangri ne mbolnge kilimok mayok kuwa nga sayina. Kile Kristus tuku sangri sunjo ye mbol prowa nga ye sangri kugatok minet te gare-gareka payamket.

¹⁰Ye sanjri kugatok minet le afunje ye tumail panyade le afunje ngaror rade le afunje ye nayo siliyade le afunje piti sugo seryade wam ta njakmba mbolnje ye Kristus tuku nga gare njak ndo minet. Ata. Ye sanjri kugatok minet sulumba Kristus tuku sanjri mbolnje sanjriknu mayok kinet.

Paulus nu nane turkam idusna

¹¹Ye yiñe mañau payamkam idus ndawet ta afu ye tuku nyu nayo silide le tane nane peu ndaniñgig tukunu ye yiñe nginñgan mañambi payamka yiñe mañau tuku kuyaret. Ye ake tañgo suk minet ta afu tane nane aposel magenu ngade ta nane ye li ndayade. ¹²Ye tane ndoñ minmba piti kanjerka sanjri tinga piroka wam kitek sanjrinu afu ke liken. Wam ta mbolnje ye aposel tugusek minen le tane ye kanjeryinaig. ¹³Kristus tuku kuasmbi afu mbolnje ye wam mayenu ken ta tane tugumnje wam maye ndawen nga idusde e? O son. Ye wam ande nane afu mbolnje ken tañamba tane mbolnje ke ndaken. Ye tane tugumnje piya kile ndaken. Wam ta tuku tane ye pitaiyade inde. O Korin mbal, ye mbaren ndeta ye tuku mbar gilaingap.

¹⁴Ye mañ ait keñnu tane tugum prowam bafuwet. Tane tugum promba agañ afu sap nga satinje nda. Kuga. Tane ye ngamunjal ndo sap nga iduset. Kiño kame nane ina mam turkam tuku agañ ndende pati ndakuwaig. Ina mamnje kiño kame turkam tuku agañ ndende patikuwaig. ¹⁵Ye tane tuku mam tañañ minet. Ye yiñe agañ ndende tane turkam tuku ngail ndaket. Yiñe abo mine mañau mata tanenu nga kusrewam bafuwet. Ye tañamba tane tuku sunjomba kume puret. Wam ta tuku tane ye tuku kume pur ndade ta ye tane tuku sunjomba kume puret wam ta kusrewam kumuñ kuga.

¹⁶Ye tane tugumnje agañ afu kile ndaken ta tane afu teñenmba sakade. Nu kuirkuirka sine yabrisinmba ndametiñ afu kilna nga sakade. ¹⁷Ginu ait ye kilen? Ye mbal afu kukulniñgen le pro tane yabritinmba ndametiñ didika kilmba ye sinaig e nga idusde. ¹⁸Ye Titus ndo tane tugum kambim tuku kukulmba minen. Tira ande ta nu ndoñ kuwa nga kukulen. Titus nu ame agañ tane yabritinmba kilna? Kuga. Sile Titus ndoñ Guwa ndindo ta mbolnje minek. Mañau ndui ta ndo ke likek ta tane kila.

¹⁹Tane wañe te burka sine tane am mbolnje tiñreknu mayok kambim tuku kuyaraig nga idus ndawap. Sine Kristus ndoñ ulendika nuñe wamdus dubimba Kuate am mbolnje pasa te kuyarkeg. Tane tuku son ta sanjri pilewam tuku ndo kuyarkeg.

²⁰Ye tane tugum prowam tuku ta ye wamdus piti njak minet. Ye pro tane mañau ke likade ta kanjerka nzaliamngat e ko kuga. Nzali ndayuwa ta ye tane kilmba satinje liki le tane ye tuku mata ndagari

tamngaig. Ye pro tane wam kame te kap le kanjerkam tuku kuru-kuruket. Kualeyaukade e ko afu tuku mine magenu tuku kagli firkade e ko gubra tade e ko ye ye ngade e ko waje pasa sakade e ko afu tuku nyu kile-ibenka minje motmotkade e ko tanjine ngarosu te-dungade e ko tanjine wamdusmbi manau kise kise ke likade manau kame ta njakmba ye kanjerkam mbulit.

²¹Tane gudomma buk kutur manau kumba fare fare tango pino ndon minmba tanjine ngarosu tuku nzali tukul ndamba dubikinaig. Tane ngamungal biye mbil ndawap ta ye tane tugum promba yije Mbaranje tane tuku am mbolnje ye kiko pileyuwa le wamdus nyayongikat nga ye pitiyate.

Riroj pasa afu

13 ¹Kile ye ait keynu tane tugum prowamngit. Kuyar pasa ande tejenmba sakate.

Tango armba ko kejmba tango ande nu mbar ande kina nguwaig le son nga te-tiwap ngate. *Lo ... 17.6; ... 19.15*

²Ye buk ait arnu tane tugum prowen sulumba mbarmba minnaig mbal ta riroj pasa saningen. Kile ye tane tugumnje mine ndaka nane tane turmba man riroj pasa ndui ta satimgamngit. Ye man luka tane tugum prowi ta mbarde mbal ta sinja mapeke nda. ³Tanjawi le ye Kristus tuku pasa kukliwet tango minet ta tane wamdus tero ndaka katesewamngaig. Kristus nu sangri sunjo njak tane sinamnje pirokate. ⁴Nu sangri kugatok tana minna le nane nu tumba ail kazrai mbolnje balenaig ta Kuate tuku sangrinje te-tina le kile abo njak minit. Sine mata tana tango ndo sangri kugatok mineg ta sine nu ndon ulendika Kuate tuku sangri mbolnje minmba sangri tamba tane kile-tidingam tuku prowamngig.

⁵Tanjine ngamungal son pilenga kanjerap. Tane sinja Kristus Yesus tuku ngamungal son ngade e ko kuga. Nu tane sinamnje minit le tane kamusde e ko kuga. Kuga ta tane tuku ngamungal son ta mbarkamngat. ⁶Wam ta mbolnje sine tane pasa kuklimba tumtingigen mbal ngamungal son tugusek njak ta katese mayewap.

⁷Kuate nu tane turkuwa le mbar manau afu ke ndakap nga nu yabanmba mineg. Tane wam magenu kap le sine aposel tuku piro mayenu nguwaig nga idus ndaweg. Tane manau magenu ndo kam tuku iduseg. Afu sine piro maye ndaweg ngade ta sine piti ndasingit. ⁸Sine pasa tugusek te-ibenam tuku mine ndakeg. Pasa ta turam tuku ndo mineg. ⁹Sine sangri kugatok mineg le tane sangri njak mayok kinig ta sine sangri kugatok minam tuku gare-garekeg. Tane tuku ngamungal son lato lato sangri tinguwa nga Kuate yabanmba mineg.

¹⁰Sunjo nu tane kulatkam tuku piro sina. Ye tane tugum prowi sulumba pasa sangrinu satimgam kumu ta ye tanawam idus ndawet.

Ta tuku tane kile-tidingam tuku ye waje ndo kuyaret. Sunjo nu ye tane sangri piletingam tuku piro sina. Tane njaigo siglikam tuku piro se ndakina.

¹¹ Kile ye pasa suluwamngit. Tanjine mbar kile-tidingap. Ye tuku pasa isap. Tane wamdus ulendika ngamunggal mukuk minap le Kuate nu tane ndon minamngat. Kume pur manau ngamunggal mukuk manau nu tugu. ¹² Tane tanjine tanjine tira kame ndon mungu kume purkade manau ta alonu te-mayokap. ¹³ Kuate tuku mbal tenge minig ta njakmba tane kaiye pasa tingig.

¹⁴ Singine Sunjo Yesus Kristus nu tane ake sina n make patikuwa. Kuate nu tane tuku kume purwa. Tukul Guwa nu tane ndon mungu gare njak minwa.

Son.